

Žene kao stub društva i sretna djeca kao temelj za bolju budućnost

Dragi sugrađani, uložili smo trud da udruženja žena na području našeg grada povežemo i koordinirano djelujemo te smo kroz razne programe motivacije i edukacije podstakli veliki broj talentovanih i sposobnih sugrađanki i usmjerili u ono polje djelovanja koje najviše odgovara njihovim afinitetima.



Pogled Naprijed

Zavidovići - 29. februar 2028. - 0,00KM



Zavidovići: Oaza sigurnosti, mira i prirodnih ljepota



Poštovani sugrađani i sugrađanke, hvala vam što ste se u ovolikom broju okupili i svojim prisustvom dali podršku i potvrdu našem zalaganju u mandatu koji je iza nas. Vaš glas je omogućio da naš rodni grad, grad naših predaka, postane ponos svih nas. Zavidovići, grad drveta, mladosti i sporta, postao je uzor drugima kako zajedničkim i predanim radom možemo postići i prevazići svoje ciljeve.

OBRAĆANJE VEHIDA HORZOVICA



OBRAĆANJE NOSITELJICE LISTE



Humanost i briga: Svjetlost u životima

Naši dragi sugrađani treće životne dobi, naši penzioneri, uz nas su osjetili da imaju oslonac i podršku



Oaza sigurnosti, mira i prirodnih ljepota

Poštovani sugrađani i sugrađanke, hvala vam što ste se u ovolikom broju okupili i svojim prisustvom dali podršku i potvrdu našem zalaganju u mandatu koji je iza nas. Vaš glas je omogućio da naš rodni grad, grad naših predaka, postane ponos svih nas. Zavidovići, grad drveta, mladosti i sporta, postao je uzor drugima kako zajedničkim i predanim radom možemo postići i prevazići svoje ciljeve. Olakšali smo anonimnu prijavu svih tekućih problema i opasnosti za građansku sigurnost svake vrste te pokrili grad videonadzorom. Poboljšali smo opću i saobraćajnu sigurnost, riješili problem zbrinjavanja pasa lualica i problem prosjačenja, zatim radili na suzbijanju svih vrsta devijantnog ponašanja, povećali brigu o mentalnom zdravlju i zbrinjavanju mentalno oboljelih građana. Tako smo učinili naše Zavidoviće ugodnijom životnom sredinom.



FOTO: www.zportal.ba

Grad na tri rijeke, prepun prirodnim bogatstvima, postao je oaza mira i poželjna destinacija, kako domaćim tako i stranim turistima. Izvrсна saradnja sa planinarskim društvom "Tajan 1929" iznjedrila je finalizaciju izgradnje planinarskog doma, kao i uređenje puta do istog. Planinari imaju priliku biti ugošćeni u novoizgrađenom objektu na lokaciji Mitrovići u blizini prelijepog jezera Mašića, čije su obale uređene i prilagođene boravku na otvorenom i uživanju u prirodnom okruženju. Kroz promociju turizma uspjeli smo poboljšati rad

ugostiteljstva, trgovine i raznih uslužnih djelatnosti te smo plasirali proizvode naših vrijednih sugrađanki i omladine koji su, u skladu sa vlastitim sposobnostima i mogućnostima, vrijedno radili i razvijali domaće i unikatne proizvode iz vlastite proizvodnje. Obnovom historijskih znamenitosti i spomenika obogatili smo priču o historiji za sve posjetitelje kao i za sve generacije, koje tragaju za znanjem. Manifestacija "Ljeto u gradu" je proteklih godina sadržajno obogaćena pa su uz

postavljanje ljetne bašte tokom čitave sezone, ljetne večeri pune sugrađana i posjetitelja koji uživaju u čistoći i sigurnosti našeg grada.

Svi ovi projekti i aktivan rad doveli su do povećanja budžeta grada Zavidovići u iznosu od 1.000.000 KM, čime smo osigurali daljnji razvoj i prosperitet našeg grada.

Priče sa kojima se ponosimo

Žene kao stub društva i sretna djeca kao temelj za bolju budućnost

Dragi sugrađani, uložili smo trud da udruženja žena na području našeg grada povežemo i koordinirano djelujemo te smo kroz razne programe motivacije i edukacije podstakli veliki broj talentovanih i sposobnih sugrađanki i usmjerili u ono polje djelovanja koje najviše odgovara njihovim afinitetima.



FOTO: avaz.ba

Zahvaljujući trudu svake od njih pojedinačno, one su za ovaj period postale primjeri uspjeha i stekle finansijsku sigurnost, a i od velike pomoći su i bližnjima te su se afirmisale kao ugledni građani naših Zavidovića. Također smo kroz programe edukacije, kurseve i seminare, kao i otvaranje mogućnosti volonterskog rada, pomogli mladim ljudima naše zajednice postizanje veće konkurentnosti na tržištu rada i olakšali mogućnost zaposlenja na novootvorenim radnim mjestima.

Uspjeli smo kroz saradnju sa svim nivoima vlasti doprinijeti tome da naša djeca imaju sretnije djetinjstvo. Obnovili smo postojeće parkove za djecu, izgradili smo nove parkove i sportske terene u ruralnim sredinama. Gdje god pođemo, nailazimo na smijeh i graju naših najmlađih sugrađana. Djeca sa poteškoćama u razvoju su bila redovno u fokusu i uložili smo mnogo truda u osiguravanju optimalnih uslova za inkluziju među vršnjacima.

Bili smo oslonac i podrška, i kao predstavnici vlasti i kao savjesni sugrađani. Ulaganje u sport i sportske aktivnosti, kao i zdrav način života, iznjedrili su već prepoznate talente od kojih očekujemo veliki uspjeh, a svakako su već dostojni ambasadori našeg grada, čemu se nadamo i u budućnosti. U svakom slučaju, na našu podršku mogu računati kao i do sad, bit ćemo im vjetar u leđa i bodriti ih.

I na kraju, da naglasimo nešto vrlo bitno. Nacionalne manjine, posebno Romi, mnogo se više uključuju u društveno korisne aktivnosti, a njihov interes za formalno obrazovanje i zapošljavanje raste.

Naša zajednička budućnost: Napredak kroz bolju infrastrukturu i zajedništvo



FOTO: www.sogfbih.ba

Poboljšana komunikacija sa komunalnim preduzećem "Rad" Zavidovići i uprave grada očita je svakom pojedincu. Redovan odvoz smeća i kontejneri za sortiranje otpada sa mogućnošću reciklaže donijeli su finansijsku korist komunalnom preduzeću. Održavanje zelenih površina provodi se kontinuirano. Uspjeli smo kroz podizanje opće svijesti o čistoći i očuvanju okoline i svijesti građana o mogućnostima ličnog doprinosa, organizirati

redovne akcije čišćenja grada, održavanja i kontinuirane brige svakog pojedinca.

Vodosnabdijevanje svih sugrađana, izgradnja puteva do najudaljenijih mjesta i rasvjeta na prostoru Zavidovića projekti su koji su iza nas. Možemo se pohvaliti da su svi vrijedno radili na smanjenju devijantnih pojava u društvu, ovisnosti i poboljšanju mentalnog zdravlja stanovništva. Život bez redovnog vodosnabdijevanja, pogotovo u našem gradu, gradu bogatom prirodom i izvorima vode, kosi se za zdravim razumom. Zato smo od početka mandata, sa već unaprijed prikupljenim

informacijama sa terena, prema prioritetima rješavali vodosnabdijevanje svih naseljenih mjesta na području Zavidovića. Uz to smo vodili računa o održavanju postojećih i izgradnji novih puteva za bolju i sigurniju saobraćajnu komunikaciju svih stanovnika i uz to istovremeno radili na projektima izgradnje rasvjete na istim lokacijama. U saradnji sa svim zainteresiranim ustanovama, društvima i udruženjima provodili smo projekte edukacije o štetnosti i zastupljenosti svih oblika devijantnog ponašanja i očuvanja mentalnog zdravlja te ponudili moguće alternative za goruće probleme.

Humanost i briga: Svjetlost u životima

Naši dragi sugrađani treće životne dobi, naši penzioneri, uz nas su osjetili da imaju oslonac i podršku. Zahvalnost za sve divne stvari koje su radili za naš grad i ostavili nam



FOTO: BALKANS.ALJAZEERA.NET

u nasljedstvo na brigu i uživanje, iskazali smo kroz brigu o njima sada kad im je to najpotrebnije. Kroz jednokratnu novčanu pomoć i dugoročnu brigu osjećamo se, ne samo kao sugrađani, nego i kao članovi jedne velike porodice. Formirani volonterski tim za terenski obilazak starih, iznemoglih i nepokretnih sugrađana prepun entuzijazma koordinirano djeluje na terenu. Briga o zdravstvenom stanju, opskrbljenost osnovnim životnim namirnicama i životnom prostoru bili su nam u fokusu djelovanja, a najveći dokaz uspjeha naših volontera jesu osmijeh, vedrina i suze radosnice na licima naših najstarijih. Nakon što su pomislili da su od svih zaboravljeni, vratili smo im nadu i osjećaj sigurnosti koji im je neizmjereno potreban.

Priče sa kojima se ponosimo

Individualna postignuća kao temelj zajedničkog uspjeha



FOTO: WIKIMEDIA.ORG

Razvoj industrije i motiviranje stranih i domaćih investitora za naš grad te povećanje životnog standarda uspjeh je na koji smo izuzetno ponosni. Svjesni smo da je on ključan za našu, a posebno za budućnost naše djece. Osjećaj motiviranosti mladih da ostanu i grade karijeru i porodice baš ovdje izaziva radost, ne samo kod njih lično, nego i kod njihovih roditelja i svih nas. Projekte edukacije, usavršavanja, obuke i seminare uskladili smo sa potrebama tržišta rada i povećali mogućnost zaposlenja svih dobnih skupina u novoizgrađenim proizvodnim pogonima domaćih i stranih investitora. Zahvaljujući olakšanoj proceduri pokretanja biznisa u gradu Zavidovići sve je veći broj naših sugrađana ohrabrenih za samozapošljavanje i razvoj vlastitog biznisa, a kad

uz to dodamo i već afirmirane domaće i strane proizvođače, budžet našeg grada je porastao toliko da možemo parirati najrazvijenijim općinama i gradovima naše domovine Bosne i Hercegovine.

Našu pažnju smo također usmjerili i na ruralne sredine i sugrađane koji su svoj život posvetili poljoprivredi i stočarstvu. Redovno smo im nudili informacije o poticajima i zajedno sa njima tražili i pronalazili opcije za najbolji plasman svega što oni mukotrpnim radom i trudom ostvare i proizvedu. Redovno smo bili na terenu i prikupljali informacije o izazovima sa kojima se suočavaju te smo djelovali u najbržem mogućem roku, u skladu sa našim mogućnostima i zakonskim okvirima. Oni su nas, kao što je običaj u našem narodu, dočekali sa kahvom, toplim gostoprimstvom i velikodušnošću koja se rijetko gdje osjeti te im se ovom prilikom zahvaljujemo.

Obračanje nositeljice liste

Džejlane Šušić

Dragi sugrađani, moje ime je Džejlana Šušić, kćerka Nedžada Šušića, i s ponosom mogu reći da sam završila Srednju školu Fizioterapeutski tehničar s odličnim uspjehom. Tokom školovanja, bila sam aktivna u Vijeću mladih, pisala članke i vodila projekte, što mi je donijelo mnoge pohvale i priznanja.

Danas, radim na otvaranju vlastitog salona, dok istovremeno studiram fizioterapiju i radnu terapiju u Doboju. Pored toga, karate je moj sport i upravo se pripremam za polaganje crnog pojasa, čime želim pokazati da trud i posvećenost donose uspjeh. Ali, dragi prijatelji, danas želim govoriti o našem zajedničkom domu – našem gradu Zavidovićima. Kao mlada osoba, duboko vjerujem u snagu i potencijal našeg grada. Vjerujem da svi zajedno možemo raditi na boljem sutra, na gradu u kojem će svi građani imati priliku za dostojanstven život. Naša stranka NAPRIJED! zalaže se za unapređenje kvaliteta života svih građana. Želimo stvoriti sigurniji grad, rješavajući probleme pasa lutilica, prosjačenja i devijantnog ponašanja. Posebno ćemo se posvetiti mentalnom zdravlju i osigurati da svaki građanin može anonimno prijaviti bilo kakav problem ili opasnost. Postavljanjem videonadzora, poboljšat ćemo opću sigurnost u našem gradu. Ne smijemo zaboraviti ni naše starije sugrađane i djecu sa poteškoćama u razvoju. Naš cilj je formirati volonterske timove koji će obilaziti starije osobe i pružati im potrebnu pomoć. Osigurat ćemo integraciju djece sa poteškoćama u obrazovni sistem i omogućiti im pristup medicinskim pomagalima i stalno zdravstvenoj skrbi. Želimo da svi naši građani, bez obzira na godine ili zdravstvene probleme, osjećaju podršku i brigu zajednice.



Infrastruktura je još jedan važan aspekt našeg programa. Radit ćemo na poboljšanju puteva, rasvjete i vodosnabdijevanja, kako u urbanim tako i u ruralnim područjima. Naš cilj je stvoriti ugodan i funkcionalan grad, sa uređenim šetalištima, dječijim igralištima i sportskim terenima, gdje će se svi osjećati dobrodošlo. Posebno želim naglasiti važnost očuvanja naših prirodnih i historijskih znamenitosti. Obnovit ćemo i očuvati naše spomenike te promovirati park prirode "Tajan" kao turističku atrakciju. Planiramo organizirati manifestacije koje će privući turiste i oživjeti naš grad, donoseći mu novi sjaj i prepoznatljivost. Kada je riječ o ekonomiji, naš fokus je na otvaranju novih radnih mjesta i podršci razvoju industrije, poljoprivrede i stočarstva. Pružit ćemo podršku svima koji žele pokrenuti vlastiti biznis, bez obzira na stranačku, vjersku ili nacionalnu pripadnost. Vjerujemo da svaka osoba ima pravo na priliku da izgradi bolju budućnost za sebe i svoju porodicu. Kao mlada osoba, želim posebno istaknuti važnost afirmacije uloge žena i mladih u društvu. Podržat ćemo povezivanje udruženja žena, organizirati seminare i edukacije te promovirati proizvode iz kućne radinosti. Djeca i mladi zaslužuju priliku da se bave sportom i razvijaju svoje talente. Dragi sugrađani, vjerujem da zajedno možemo ostvariti sve ove ciljeve. Naš grad ima ogroman potencijal, a mi, kao zajednica, imamo snagu da krenemo NAPRIJED i stvorimo bolje uslove za sve generacije. Pozivam vas da se pridružite našem putu ka boljoj budućnosti. Zajedno možemo sve! Hvala vam na podršci!

Obračanje Vehida Horozovića

Ja sam Vehid Horozović, rođen 1983. godine u Zavidovićima, gdje sam završio osnovnu školu i Opću gimnaziju. Sretno sam oženjen i otac sam dvoje djece, čija su sreća i budućnost moja motivacija za rad na stvaranju boljeg životnog okruženja za ovaj grad. Kao dugogodišnji radnik u realnom sektoru, posebno u pekari "Kobra" Zavidovići, stekao sam značajne vještine u komunikaciji, pregovaranju i vođenju poslova. Posljednje dvije godine sam na poziciji šefa prodaje, gdje sam postigao uspjehe u proširenju prodajne mreže i izgradnji poslovnih odnosa.

Moje obrazovanje, uključujući znanje engleskog i njemačkog jezika, te iskustvo u digitalnim vještinama, omogućili su mi da se usavršim u profesionalnom i volonterskom radu. Posjedujem vozačku dozvolu B kategorije i dugogodišnje iskustvo u vožnji.


- Poboljšanje sigurnosti
- Rješavanje problema pasa lutilica i unapređenje saobraćajne sigurnosti
- Borba protiv devijantnog ponašanja i pružanje podrške mentalnom zdravlju
- Omogućavanje anonimnih prijava prijatelji i instalacija videonadzora u gradu
- Poboljšanje kvaliteta života penzionera i djece s poteškoćama u razvoju
- Formiranje volonterskog tima za pomoć starijim i nepokretnim sugrađanima

- Pružanje stalne i jednokratne pomoći ugroženim kategorijama
- Lakša integracija djece s poteškoćama u obrazovni sistem i povećanje dostupnosti medicinskih pomagala
- Infrastrukturni projekti
- Rješavanje problema puteva i rasvjete u urbanim i ruralnim područjima
- Uređenje šetališta i izgradnja dječijih igrališta i sportskih terena
- Očuvanje životne sredine i kulturnih znamenitosti
- Obnova historijskih spomenika i poboljšanje turističke ponude
- Fokus na park prirode "Tajan" s promocijom i podrškom
- Obogaćivanje manifestacije "Ljeto u gradu"
- Razvoj radnih mjesta i poljoprivrede
- Zapošljavanje u skladu sa sposobnostima i olakšavanje pokretanja biznisa
- Motiviranje firmi za otvaranje proizvodnih pogona i poticanje poljoprivrede i stočarstva
- Afirmacija uloge žena i mladih
- Povezivanje udruženja žena i organizacija edukacija za povećanje zaposlenosti
- Promocija proizvoda iz kućne radinosti i motivacija djece i mladih za sport
- Moja politika i angažman usmjereni su na poboljšanje života u našem gradu, posebno u udaljenim područjima



Provjereni ljudi za novo gradsko vijeće!

ZAVIDOVICI Donosimo listu kandidata za gradsko vijeće Zavidovici



3

Lejla Korić

Ja sam Lejla Korić, imam 20 godina i kandidatkinja sam za gradsko vijeće Zavidovića. Po struci sam medicinska sestra, a trenutno studiram Socijalnu pedagogiju na IPF-u u Zenici. Kroz svoje akademsko putovanje, prisustvovala sam istraživačkom kampu projekta Core Empower i u kreiranju promotivnog videa za fakultet. Kao ambiciozna i motivisana osoba, posvećena sam ličnom i profesionalnom rastu, humanosti, prilagodljivosti i timskom radu. Empatija, komunikativnost i povjerljivost ključne su za uspjeh. Kao predsjednica Foruma mladih NAPRIJED! Zavidovici, ističem važnost uloge mladih u politici. Oni donose inovacije, podržavaju lokalne poduzetnike i imaju viziju za bolju infrastrukturu. Vrijeme je da mladi preuzmu odgovornost i grade bolje Zavidoviće.



4

Sead Salkičević

Zovem se Sead Salkičević i rođen sam u Zenici. Osnovnu školu i Šumarsku tehničku školu završio sam u Zavidovićima. Šumarski fakultet (bachelor hortikulture) završio sam u Sarajevu, a nakon toga dopunsko obrazovanje i položio pedagoško-psihološko-metodičko-didaktičku grupu predmeta na Edukacijskom fakultetu u Travniku. Šumarski fakultet (razliku predmeta) završio sam u Brčkom i stekao zvanje dipl. Ing. Šumarstva. Predsjednik sam gradske komisije (grad Zavidovici) za prostorno planiranje, uređenje i ekologiju. Poznavalac sam prirode, kao i flore i faune BiH. Član sam mnogih nevladinih organizacija i udruženja.



5

Mirela Bjelić

Zovem se Mirela Bjelić. Rođena sam 1985. godine u Zavidovićima. Sretno sam udata i majka sam dvoje djece. Osnovnu i srednju školu sam završila u Zavidovićima. Nakon srednje škole upisujem Pedagoški fakultet u Zenici za koji sam oduvijek smatrala da je pravi poziv za mene. Zvanje nastavnice matematike i informatike stekla sam 2010. godine. Nakon toga, radila sam u mnogim školama, a trenutno sam zaposlena u Osnovnoj školi Hajderovići te sam se susretala sa raznim problemima i baš zbog toga želim da u tom domenu djelujem kroz svoj politički angažman. Smatram da zajedničkim trudom i radom možemo postići naše bolje sutra, za nas i našu djecu, našu omladinu, ali i naše stare i iznemogle roditelje koji se i pored svih nedaća i bolesti bore za naše bolje sutra. Pomozimo sebi, pomozimo našoj djeci i našim roditeljima...koračajmo NAPRIJED svi zajedno...



7

Lejla Selimović

Ja sam Lejla Selimović. Rođena sam u Zenici 2001. godine. Završila sam Prvu osnovnu školu u Zavidovićima, nakon čega sam nastavila svoje školovanje u SMS u Žepču – smjer medicinska sestra/tehničar. Po završetku srednje škole, uz pripravnički staž uporedno sam pohađala kurs njemačkog jezika. Ubrzo poslije toga položila sam državni ispit i zvanično stekla zvanje medicinske sestre. 2022. godine odlazim u Njemačku, zbog zaposlenja, gdje ostajem godinu dana. Pored njemačkog jezika, tečno govorim engleski. Od svoje jedanaeste godine bavim se odbojkom tako da sam jedan vremenski period bila na poziciji trenera mlade odbojkaške selekcije u našem gradu. Trenutno sam aktivni član stranke NAPRIJED!, a motiv pronalazim u nadi za poboljšanje sigurnosti žena i mladih djevojaka kao i ukazivanje važnosti razvoja djece kroz sport i adekvatno obrazovanje.



6

Azem Horozović

Zovem se Azem Horozović. Rođen sam 1948. godine u Zavidovićima. U rodnom gradu završio sam osnovnu školu, a zatim srednju ekonomsku školu i stekao zvanje Ekonomskog tehničara. Čitav život sam se bavio poslovima vezanim za privredu kako u inozemstvu, tako i u lokalnoj zajednici. Sve do penzionisanja vodio sam više uspješnih firmi od kojih su neke bile u mom vlasništvu i uspio sam zaposliti veliki broj sugrađana. S obzirom na to da su moji poslovi bili vezani za inostranstvo, stekao sam odlično znanje njemačkog jezika. I sada djelujem savjetujući i usmjeravajući mlade generacije u pokretanju i vodenju vlastitog biznisa. Kroz volonterski angažman, prikupljanjem velikog broja donacija za našu zajednicu, a zatim kroz političko djelovanje, dobio sam priznanja i zahvalnice za djelovanje na razvoju naše zajednice, grada Zavidovici, što mi je i bio osnovni motiv kroz čitav moj radni vijek.



8

Redžo Seferović

Ja sam Redžo Seferović, rođen 1966. u Zavidovićima. Završio sam osnovnu i srednju školu zaštite od požara, a kasnije stekao zvanje ekonomskog tehničara. Radio sam u Ministarstvu sigurnosti, a trenutno sam zaposlen u Gradskoj vatrogasnoj jedinici Zavidovići. Dugi niz godina politički sam aktivan, a od 2016. do 2020. bio sam predsjedavajući Općinskog vijeća, fokusiran na infrastrukturu, sigurnost i socijalne usluge. Posebno sam posvećen uključivanju Roma u zajednicu i očuvanju njihove kulture. Kao koordinator za BiH, radim na jačanju veza romskih zajednica i promociji njihovih prava, s ciljem stvaranja inkluzivnijeg društva.



9

Lejla Čahtarević


Zovem se Lejla Čahtarević. Rođena sam u Zenici 1987. godine. Djetinjstvo sam provela u Zavidovićima, gdje sam završila osnovnu školu, a nakon toga Opću gimnaziju. Po završetku srednje škole upisala sam Ekonomski fakultet. Osim toga, vanredno sam završila srednju medicinsku školu. Kroz formalno i neformalno obrazovanje uspjela sam razviti digitalne vještine, kao i poznavanje stranih jezika, konkretno engleskog i njemačkog jezika, na poprilično visok nivo. Radno iskustvo sam stekla u raznim sektorima, a trenutno radim na poziciji poslovnog sekretara u privatnoj kompaniji. Unazad 10 godina aktivno sam se bavila humanitarnim radom i bila na terenu, uvidjela mnoge probleme našeg grada te sam pokušavala kroz politički angažman djelovati. Međutim, ovdje sam prepoznala vlastitu viziju i potrebnu motiviranost tima. Samo zajedno možemo naprijed!



10

Jasmin Hasić

Ja sam Jasmin Hasić i rođen sam 1988. godine. Osnovnu školu završio sam u Zavidovićima. Srednje obrazovanje stekao sam u Srednjoj tehničkoj školi na smjeru Elektrotehničar, računarske tehnike i automatike. Saobraćajni fakultet sam završio u Doboju. Poslije završenog fakulteta zaposlio sam se na tehničkom pregledu vozila u Visokom. Stekao sam certifikate kontrolora saobraćaja i Voditelja tehničkog pregleda vozila. Iako imam ponude za posao izvan naših granica, odlučio sam da ostanem u Bosni i Hercegovini i tražim sreću u vlastitoj domovini. U pokretu naprijed Bosna i Hercegovina u Zavidovićima trenutno obnašam funkciju predsjednika kadrovske komisije te sam svakodnevno angažovan u radu istog. Vjerujem da sa poštenim radom i zalaganjem, kao i zajedničkim aktivnostima, možemo izgraditi pravičnije i pravednije društvo.



11

Inesa Horozović

Ja sam Inesa Horozović. Rođena sam 1985. godine u Zenici. U Zavidovićima sam završila osnovnu školu, a nakon toga Opću gimnaziju. Po završetku srednje škole opredijelila sam se za studij Engleskog jezika, shodno ličnim afinitetima i želji da stečeno znanje prenesem na buduće generacije. Međutim, životni put me odveo u nekom drugom smjeru i trenutno radim u privatnoj firmi BA-SERVICES na poziciji Operater telekomunikacijskih uređaja. Sretno sam udata i majka sam dvoje djece. Kao žena i majka prepoznajem probleme, iskušenja i prepreke u društvu vezane za žene, a naročito za majke i djecu te posebno u tom domenu želim da djelujem kroz svoj politički angažman. Svakako da su bitni i ostali segmenti u našoj lokalnoj zajednici koje trebamo poboljšati. Zajedničkim trudom i radom za bolje sutra svih sugrađana, a naročito djece i mladih, možemo postići progres na svim poljima djelovanja.



12

Ibrahim Sendić

Zovem se Ibrahim Sendić. Rođen sam 1992. godine u Zavidovićima. U svom rodnom gradu završio sam osnovnu školu, a nakon toga srednjoškolsko obrazovanje koje sam stekao u Srednjoj tehničkoj školi, također u Zavidovićima. Tu sam stekao zvanje drvni tehničar. Po završetku srednje škole upisao sam fakultet za Predškolski odgoj i obrazovanje, koji sam uspješno završio. Međutim, radno iskustvo i trenutno radno mjesto nije vezano za formalno obrazovanje. Nakon završenog fakulteta, pronalazim posao kao profesionalni vozač. S obzirom na to da sam odrastao u Krčevinama, selu na području grada Zavidovići, u kojem i trenutno stanujem, upoznat sam sa stanjem i funkcioniranjem te problemima i izazovima mjesnih zajednica van gradske zone. Naročito iz te perspektive želim djelovati i dati maksimalni doprinos ugodnijem životu svih generacija koje žive i u gradskoj, ali i van gradske zone.



13

Amra Plančić

Zovem se Amra Plančić. Rođena sam u Zenici 1999. godine. Osnovno obrazovanje stekla sam u Zavidovićima gdje i živim. U svom gradu sam upisala srednju školu za Mašinskog tehničara za rad sa CNC mašinama. Poslije završene srednje škole pronašla sam posao kao kuhar i ugostitelj u jednom privatnom lokalnom restoranu. Majka sam dvoje djece. U pokretu NAPRIJED! Zavidovići vidim pozitivnu energiju i želju da mladi ljudi naprave pogodne uslove za ostanak u Bosni i Hercegovini, svojim vlastitim trudom i zalaganjem, na način da kvalitetno prezentuju svoje potrebe i izbore se za život dostojan čovjeka. U pokretu NAPRIJED! vidim podršku i spremnost za hvatanje u koštac sa nagomilanim problemima u društvu.



14

Sead Šehić

Ja sam Sead Šehić i rođen sam u Zavidovićima 1965. godine. U svom gradu sam završio osnovnu i srednju školu, a po završetku srednje škole 1987. godine, odselio sam se u Moskvu. Kao stručnjak iz oblasti građevinarstva, tokom 36-ogodišnjeg boravka u Rusiji, odnosno Sovjetskom savezu, trudio sam se da svoju domovinu predstavim na najljepši način, kako kroz poslove koje sam radio tako i mimo radnog mjesta pri svakom kontaktu sa ljudima. Posebno sam bio naklonjen svojim sunarodnjacima. Radio sam i saradivao sa ambasadorima BiH, kao i sa drugim sunarodnjacima koji su tamo radili i boravili. Aktivno sam uključen u sportske, vjerske i kulturno-umjetničke programe, a svakako i u političko djelovanje. Posljednjih godina sam predstavljao našu zemlju narodima Ruskim republika. Predsjednik sam EMF-a, a za tu poziciju sam izabran 2021. godine. Uz naš trud, rad i zalaganje nadam se blagostanju za sve građane.



15

Behira Joldić

Zovem se Behira Joldić. Rođena sam 1998. godine u Zenici. Osnovnu školu sam završila u Zavidovićima. Tu sam završila i Srednju tehničku školu, smjer Ekonomski tehničar. Udata sam i majka sam dvoje djece. Radim u realnom sektoru. Aktivan sam član društva i honorarno pomažem starije žene u našem gradu. Pratim i podržavam rad udruženja žena u Zavidovićima te učestvujem u mnogim aktivnostima kojima se ta udruženja bave (posjete sajmovima, kupovina domaće hrane, razne radionice itd.). Svoju aktivnost u pokretu NAPRIJED! vidim kroz program koji ovaj pokret nudi, sa fokusom na mlade, modernizaciju i prilagodbu vremenu u kojem živimo, kao i oslobađanje potencijala za razvoj lokalne mikroekonomije kroz razvoj sela i promociju domaćih proizvoda.



16

Nedim Mejrić

Ja sam Nedim Mejrić. Imam 23 godine i živim u Zavidovićima. Školovanje sam započeo u osnovnoj školi Kovači, a zatim stekao zvanje građevinskog tehničara. Posjedujem razne certifikate i tečno govorim engleski jezik. Trenutno radim kao šef fizičke zaštite u agenciji za fizičko-tehničku zaštitu, gdje sam stekao dragocjena iskustva u organizaciji i sigurnosti. Posvećen sam kontinuiranom učenju i ličnom razvoju kako bih unaprijedio našu zajednicu. Društveno i politički sam aktivan, uvijek usmjeren ka poboljšanju kvalitete života u našem gradu. Vjerujem da mladi ljudi imaju ključnu ulogu u donošenju svježih ideja i stvaranju pozitivnih promjena. Zajedno možemo postići uspjeh i unaprijediti naš grad.



18

Imran Šehić

Zovem se Imran Šehić i rodom sam iz Zavidovića. Imam 24 godine i bavim se razvojem softvera (programiranjem). Oduvijek sam imao ambicije ka računarima i svijetu informatike. Odlazak u Italiju sa šest godina dodatno mi je olakšalo taj put. Pohađanjem šest razreda osnovne škole u Italiji, još kao dijete stekao sam vještine govora italijanskog jezika na maternjem nivou i upoznao mnogo prijatelja različitih kultura. Po povratku u Bosnu i Hercegovinu u 12. godini, nastavljam pohađanje osnovne škole u Zavidovićima, a poslije toga srednje, za zvanje tehničar drumskog saobraćaja. Nakon srednje škole, upisujem IT Akademiju, jednogodišnji kurs programiranja. Nakon uspješno završenog jednogodišnjeg kursa, ubrzo pronalazim i svoju prvu poslovnu priliku za rad na stranim projektima kao programer, čime se bavim i trenutno. Uporedo s tim, član sam lokalnog fitness kluba već tri godine.



Omer Omerović

20

Zovem se Omer Omerović. Rođen sam 1994. godine u Zavidovićima. Osnovnu školu završio sam u Hajderovićima, nakon čega upisujem Srednju tehničku školu i završavam smjer Elektrotehničar. Tri godine nakon završetka srednje škole, odlazim na studije u Saudijsku Arabiju, a kao svaki strani student prvo sam morao da učim arapski jezik, koji sam odlično savladao i u govoru i u pismu. Oženjen sam i trenutno živim u Zavidovićima. Radim kao zaštitar na izgradnji koridora 5c. Motiv ulaska u politiku su lične ambicije da se popravi opća sigurnost u našem gradu, sa akcentom na zbrinjavanje pasa lutilica, za šta se lično zalažem, kao i smanjenje svih oblika devijantnog ponašanja. Uz to, težim da se poboljša turizam kroz lokalno djelovanje infrastrukturnog uređenja grada, historijskih znamenitosti i potencijalne turističke ponude našeg grada.

Mehmedović:

Snaga bosanskog duha vodi nas NAPRIJED!

Poštovani,

svako od nas treba sebi postaviti logično pitanje: Zašto Naprijed?

Nakon agresije, Bosna i Hercegovina bila je duboko podijeljeno društvo, ali s ogromnim političkim kapitalom i ugledom u svijetu zbog vođenja odbrambeno-oslobodilački rat protiv mnoštva neprijatelja.

Etničku podjelu, koju su proizveli naši susjedi, vrijeme je dodatno učvrstilo, što je dovelo do podijeljenosti bh. društva u gotovo svim aspektima. Takvo stanje, u okvirima dejtonskog ustavno-pravnog uređenja, postaje neodrživo. Pozitivni politički kapital vremenom se topio da bi danas dostigao svoj minimum. Ujedinjenje bosanskog društva je imperativ političkog pokreta NAPRIJED. Najmanje što nas spaja je bosanska državnost, pripadnost državi Bosni i Hercegovini, a to nas je spajalo i kroz povijest.

Zašto NAPRIJED?

Zato što je status quo postao model koji će nas preskupo koštati kao državu. I danas smo zarobljeni u tom stanju, bez mogućnosti institucionalnog odgovora na izazove današnjice. Nove geopolitičke okolnosti i izazovi su pred Bosnom i Hercegovinom.

Naši mladi odlaze zbog pravne i životne nesigurnosti uzrokovane teškom političkom situacijom u Bosni i Hercegovini. Ne vide budućnost ovdje. Zato treba NAPRIJED! Dok cijene rastu, plate stagniraju. Ne oslanjajte se na statistike; pogledajte šta možete kupiti za svoju platu. Vrijeme je da se zapitamo idemo li u pogrešnom smjeru. Moralna obnova društva je imperativ današnjice u Bosni i Hercegovini! Elementarni moralni principi su obaveza svakog člana zajednice. Zato treba NAPRIJED! Pokret koji će politikom kvaliteta obezbijediti osnovne vrijednosti u političkom životu naše zajednice i promijeniti negativan pogled na politiku i političare. NAPRIJED je već drugačiji od ostalih!

ZAŠTO NAPRIJED?

Zato jer je MISIJA ovog pokreta upravo briga o svakom bh. čovjeku od rođenja do kraja života.

Djelovati kao opoziciona stranka u Bosni i Hercegovini i izaći na izbore, a s obzirom na opću ekonomsku i društvenu krizu, bez sumnje je "Sizifov posao".

No, postoji čuvena poruka Lava Nikolajeviča Tolstoja, ako se jedna grupa nečasnih ljudi domogne vlasti, nužno je da se nađe grupa časnih ljudi da im se suprotstavi.

Ovo bi mogao biti jak motiv da se neko danas, posebno mladi ljudi, odluči i odvaži politički angažirati. Bosna i Hercegovina je posebna zbog svog jedinstvenog uređenja temeljenog na Dejtonskom sporazumu. Kao tranzicijska postsocijalistička država, postala je hibrid komunizma i kapitalizma, bez socijalne osjetljivosti. Iako ima parlamentarnu demokratiju, vladajuće etničke oligarhije čine je autokratskom. Sadašnji vlastodršci izgradili su tri zasebna režima po etnonacionalnom konceptu. Trojka, odnosno ponašanje lidera ovih strana (SDP, NiP, NS), u bitnom se ne razlikuje od svojih prethodnika na vlasti. Jednostavno se čini kao da nema izlaza i rješenja ovog zamršenog čvora. Zato treba NAPRIJED! Alternativa mora dati nadu Bosni i Hercegovini te njenim građanima. Populizam je postao globalni trend, a razvojem društvenih mreža, ratnohuškačka retorika i govor mržnje u BiH ozbiljno su ugrozili multikulturalno naslijeđe naše zemlje.

I najvećim svjetskim umovima teško je definirati političke i ideološke trendove koji Bosnu i Hercegovinu vuku u srednji vijek. S pozicije teorije političkih doktrina vrlo je teško razvrstati stranke na lijevicu, centar i desnicu. Političke anomalije stvaraju defetizam i beznađe, pa malo idealista pokušava promijeniti situaciju. Nekolicina njih okupila se oko stranke NAPRIJED.

Vjerujemo u nesalomljiv bosanski duh, koji kroz historiju nalazi odgovore na sve izazove. Bosanski duh oživljava patriotizam i ljubav prema domovini, koju Bosanci svakodnevno iskazuju širom svijeta. Time je prožet Program pokreta NAPRIJED, kao i sve ono čime smo iznijeli viziju budućnosti naše domovine.

Naša hrabrost da politički djelujemo unatoč "nemogućim misijama" dovoljno govori o nama. Želimo pokazati da smo drugačiji, s inovativnim političkim narativom i iskrenim namjerama. Naša su mjerila drugačija jer težimo biti pokret časnih i odvažnih ljudi koji imaju hrabrosti da ODLUČNO krenu NAPRIJED!

Našoj domovini treba reset sistema i drugačiji kadrovski potencijal. Prije svega, treba joj društvo kompetencija i znanja, društvo poštenih i čestitih kadrova čiji je prag tolerancije na korupciju nulti.

E, zato NAPRIJED treba našoj domovini! Snaga bosanskog duha leži u našoj sposobnosti da prkosom i odlučnošću krčimo puteve koji vode NAPRIJED!

Zvijezde, koraci i novi početak: Otkrijte simboliku logotipa NAPRIJED!

Logo NAPRIJED! sastoji se od dva elementa: čovjeka i zvjezdica.

Prikaz čovjeka koji korača naprijed simbolizira posvećenost političkog subjekta NAPRIJED! ka napretku. Zvijezde predstavljaju našu domovinu Bosnu i Hercegovinu, a istovremeno simboliziraju i Evropsku uniju, kojoj NAPRIJED! nastoji pridružiti našu domovinu.

Sam tekst "NAPRIJED" na logu blago je nagnut prema naprijed, što dodatno naglašava dinamiku za iskorakom i izlaskom iz stagnacije i teškoća koje nas trenutno opterećuju.

NAPRIJED za nas nije samo riječ, već obećanje, poziv na akciju i poziv na buđenje kolektivne svijesti. Boje našeg logotipa – plava i žuta – odabrane su kako bi odrazile simboliku zastave Bosne i Hercegovine, ali i zbog njihovog dubljeg značenja. Plava boja povezuje se s povjerenjem, lojalnošću i stabilnošću, dok žuta simbolizira optimizam, nadu i novi početak. Zajedno, ove boje šalju poruku da je NAPRIJED! politički subjekt na kojeg se možete osloniti da Bosnu i Hercegovinu povede NAPRIJED!.

Država kao imperativ, sigurnost, moralna obnova društva, iseljništvo, ekologija, mladi, neki su od temeljnih principa na kojem mi iz pokreta NAPRIJED! gradimo viziju dostojanstvenog i sigurnog života za sve građane Bosne i Hercegovine. Naša misija je da, kroz političku scenu BiH, postanemo pokret za transformaciju i ozdravljenje bosanskohercegovačkog društva, brinući o svakom čovjeku od rođenja do kraja života.

Pozivamo sve građane da budu dio promjena, da pokažemo bosanski inat kada je najteže. Naša budućnost je onakva kakvu želimo. Snaga bosanskog duha leži u našoj sposobnosti da s prkosom i odlučnošću krčimo puteve koji vode NAPRIJED!



NAPRIJED BOSNA I HERCEGOVINA!

Zmaja od Bosne 7
71 000 Sarajevo
info@naprijed.ba
033/862 535
www.naprijed.ba